



Inungnut Tuhaqtitaujuqhaq

Qilamik Tuhaqtitaujuqhaq

Nunallaami-tamaat ihivriqtaujuqhat TB tigut Pangnirtuumi

Iqaluit, Nunavut (Qiqaijaluaria 8, 2023) – Atanilluaq Inungnut Aanniaqtailinirmun Havagvia Nunavunmut Munaqhiliqijitkutlu, paatnaqatigiplugitlu Nunavut Tunngavikkut. (NTI), uqautiliqitait nunaqaqtut Pangnirtuumi nunallaami-tamaat ihivriqtaujaami TB tigut ihuaqhaqhimajuq qakugu uvani ukiumi ilitturipkaijaami nampait aulajut takunnaittutlu aanniarutigijajut nunallaami.

TB tigut ihivriqhiniq aullaqtirniaqtuq Apitilirvia 2023 mi pidjutihimaaqlutiklu talvunamut Hikutirvia 2023 imaa pijaami hailihimanikkut amigaittunut nunaqaqhimajunut.

“Aqhuuqhajatka tamaita nunallaamiutat upautilitik ihivriqhijaamingnik kinaliqaaq hulaqijauttaarmat TB mit. Ihivriqhiguvit piliqhutinlu havautinik piviqhaqaqqat, ilvit pijutit aanniaqtailiplutin nakuuqhaharnutlu ilingnut, nunallaarijarnut tamainnutlu Nunavunmi”, uqaqtuq Minista Munaqhiliqijitkunni John Main. “Ikajuqtauhimaaqtilutik havaqatigiplugitlu NTI kut, Nunavut Kavamanga qanittumik piliqtut atauttikut tamainni hivuniqhaliuqhijajumin piingnikkut TB mik Nunavunmi”.

NTI kut tunihimmaangniaqtut maniqhaaqhanik, ikajuutiqhamiklu ilihainirmunlu ihivriqtiujuqhanik havaktiqhanik, imaalu Inuit pitquhitigut ajurnaittumik ilihaiqhainnik. NTI kutlu ilajut upalun’ngaijainirmun TB tigut ihivriqhinqikkut pinahuarutaanni.

“TB hiamittiqtailaaqtuq nakuuhidjutittaaqtuqlu aanniarut. Amigaittilaanggit TB mik amigaitqijajut Nunavunmi inaitpallaarnirmik aimaviinni, niqailliurnirmun ajuqhautitilu pittaalaqinnaittumirmiklu munaqhiliqidjutinut havaarijajuni. Aqhuuhajatka Nunavut Inuinnaq kidjaqpat, aummallaaqtuq, nigiumajungnaiqtuq qalaqhuqtuqlunniit qalarmik aukmikluunniit ihivriqtaujuqhat TB tigut. Pangnirtuumi, quviahuktugut havaqatigiplugit Nunavut Kavamanga nakuuhivalliadjutaatigun ihivriqhiniq nunallaami ukiaqhami”, uqaqtuq NTI An’ngijuuqaan’nga Aluki Kotierk. “Itquamalugu kinaliqaaq aanniagutiqaqumanggittut. Nagligilugit Inuinnauqativut ajuirhaqlutinlu aanniagutaujumi”.

